

CHL 9117.1148

12

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE

OCT 11 1932

~~11~~



漁洋山人詩集卷十四

哈佛大學漢和
圖書館珍藏印

續集

新城王士禛貽上

辛酉稿

初拜國子祭酒釋菜 太學作

雍雍禮樂地肅肅堂廡深皚皚素雪零鬱鬱青
松陰堂上鐘簾懸壁中絲竹音未學愧承師撫
躬實難任文學盛鄒魯流風感至今早入嬰相
圖夙侍緇帷林未能習禮器遂以玷華簪 聖
朝敷文德憬彼胥獻琛岩堯白虎觀諸儒粲璆
琳議郎悉承制更老多橫襟低徊宮牆下如聽

師襄琴

行玉河上懷故鄉有作

河邊弱柳漸生稊沙上蒲芽綠未齊蓮子湖頭
風物早誰搖艇子鬪春泥

詔菴翰長招同荆峴侍講羨門編脩過

善果寺

偶然偕素侶佛日到香林亭午無人處青苔滿
院陰三衣消瘦服半偈妙明心愛就魚山宿蕭
條寫梵音

何處故鄉思二首

有序

北齊房君豹有山池在齊州自製詩云風淪歷
城水月倚華山樹時人以比康樂予在京師有
故鄉之思因取其語為詩云爾

何處故鄉思風淪歷城水處處清瑤流時時白
鷗起日暮浣紗人臨流獨徙倚

何處故鄉思月倚華山樹清輝河漢外散入平
湖去不見謫仙人空山下風露

給事幼華弟屢寄新詩題卷後

今弟讀書處龍門天下奇人煙馮翊部喬木子
長祠雲物高連嶽波瀾卷入詩遙知相見日吟

苦鬢成絲

和高念東馮易齋兩先生松雲菴唱和

詩有序

康熙庚申冬司寇念東先生致政將歸菑川居
松雲僧舍相國易齋先生過之解帶流連禪喜
竟日高先生賦絕句云戶倚雙藤禪宇開無人
知是相公來相看一笑忘朝市風味依然兩秀
才馮先生荅之云隱几僧寮戶不開天親無著
憶從來而今相對渾忘却祇識維摩是辯才子
因繼和云異日或成松雲故事爾

三老前身二大士重逢半日畫爐灰他年古寺
經行處記取寒山拾得來

繪川書院詩二首為侍講湯先生賦

大道滙鄒魯洙泗何洋洋邈矣二千載伊洛為
巨防江漢有遺民卓為姚許倡至今百泉上源
流深且長曖曖夏峰村鬱鬱通德鄉湯公起梁
宋攝衣早升堂側聞睢渙間五色多文章黼黻
與華蟲宗廟繪衣裳汝南多先賢鄒魯實頡頏
中原昔戎馬講肆為鞠場起衰賴通人屹茲數
仞牆樂職備中和諸生歌鹿鳴六籍列經緯諸

史成宮商不才忝成均臯比坐傍徨倚席久不
講士氣何由昌愧彼巫醫師糜粟空一囊

先生昔掛冠棲遲樂巖谷睠彼二三子望古企
高躅逶迤清川上構此數椽屋三年侍承明夢
想在林麓大道不終晦天中盛者宿轅轅有耿

介

耿公字逸
菴前翰林

上蔡有張沐

張公字仲誠
以薦知資縣

著書各滿家衆

流滙川瀆耿公實廉吏齋厨甘杞菊張公赴徵
車萬里向巴蜀冥冥子規啼蠶叢凍雲木何日
成德鄰絃誦譬家塾予亦步屨來歲晚共饘粥

送汪快士歸黃山

汪主志名山懷抱何瀟洒家住紫雲谿軒轅幾
峰下吾愛邯鄲淳古學窮蒼雅歸去新安江棟
花照初夏

後湖即目

片雨止還作雲陰覆水關眠鳧翹鷺處瓜架豆
棚間魚鳥久相待滄洲殊未還新秋玉泉水准
擬弄潺湲

早入瀛臺作

鐘殘入西苑稍稍霞侵曙水風泛叢蒲山月隱
高樹藻密聞魚跳沙明見鳧聚詎識華林園適

叶滄洲趣

移竹

一別故園竹驚心忽七年每逢南陸日長憶北
窓眠河漢度新雨瀟湘生夕煙明年劔春筍吾
意已逃禪

輓戴姑瞻少京兆同兄子劍

昔日官鄒魯風清洙泗間棲遲佐京兆蕭散卧
名山天日安禪去雲門記薊還繩牀經論在寂
寞掩松關

寄金穀似讀書玉泉

我愛玉泉流澹沲清見底持比新安江石瀨宛
相似昔遊隔十載夢落風煙裏聞君讀書處泉
水在窓几戶外垂漁竿衣上襲芳芷疎簾卧清
簟坐盡雲峰美曉吟山狖驚夜詠沙禽起三復
泉上詩脩然洗吾耳

城西一首

都城負太行勃碣地形古城西富流水磬折頗
參伍裂帛憺渟著淵淵乃句矩北上青龍橋雲
峰粲可數皎如奩中鏡曉窓照眉嫵南過金口
寺徧地鵝王乳錦石映文魚白蘋間紅菘吾家

魯連陂蓑笠渺煙浦小別二十年稻塍幾風雨
安得半尺篝行歌鞭水牯

題徐電發簡討畫蟹

仄行與外骨并入考工記何如紈扇上善寫招
潮勢草泥擁郭索兩鉗亦何利便欲左手持未
勞門下議

湘水行送良輔宰零陵

陽朔二水湘與灘源同派別分條支湘水東來
入南楚曲抱衡山經九疑九疑之山蒼梧野斑
斑淚竹英皇祠零陵郡古枕湘水瀟江曲折來

赴之自古騷人憔悴地九歌哀怨留其詞亦有
元和舊司馬八愚感激傳歌詩其文往往擬山
海坐使荒徼增傀竒子今年少去爲吏況有詩
筆人所知黃溪山水勝鄠杜何必慨歎窮荒爲
此去浯溪止百里磨崖洗剔中興碑元公作頌
魯公筆長與日月相昭垂經術緣飾固良可勿
隨流俗矜繭絲衣租食稅盡赤子誰云南人鬼
且襪捕蛇有說更三復軍輸尚急西南陲

題王安節小畫同子側

叢祠倚蒼崖古木捎天碧社後雞犬靜村落無

人跡蕭蕭靈旗風鳥噪山煙夕

送不雕歸太倉

夢裏吳江渡還尋白板船來露潑火雨歸及熟
梅天遠道三千里詩名二十年憐君憔悴絕故
物只青氈

題洪谷一督學廬墓冊

由來諳至性不讓庾黔婁壠上孤兒淚嶽中萬
木秋淒涼白雲宿嗚咽碧溪流南郡生徒在應
同罷社愁

竹間螢火同子側

手植一叢竹戛然當戶青涼宵過疎雨接葉濕
流螢漸轉纖阿御時看玉井星兩月多雨清光紛愛汝
花影亂茅亭

得碩揆道人書

乙巳別於揚州山
光寺十七年矣

一別山光寺人間歲月長小池功德水文室辟
支香未得巾瓶去空嗟鬢髮蒼遠書勞見憶好
在眼中黃

輓伊翁菴中丞四首

隔歲看持節俄驚委逝川烽高麗江水魂黯黯
蒼煙力疾圍城日捐生破賊年空留新賜冢突

兀象祁連

家世南充郡

唐伊慎封南充郡王

功名僕射看行營諸道合

報國寸心丹未取黃金印先逢白玉棺招魂何

處是瘴霧夕漫漫

桓典青駘馬終煩萬里行竟歌虞殯去不見蔡

人平月暗封狐嘯星寒擺馬驚流蘇東下日日

斷武昌城

樂府庾公上武昌翩翩若飛鳥庾公還揚州白馬牽流蘇

馬革平生志昆明未息戈星辰移九列書檄動

諸羅歿視悲荀偃生還失伏波故人歌薤露流

涕向山河

羅塞翁猿圖

栗葉初黃山水渾引臂叫嘯來羣猿綠條附蔓

下絕壁連尻結股爭攀援老猿下視獨招手羣

猿跳擲騰且奔可憐猿子亦大黠襁負母背如

乘軒黑者玄衣白玉雪下飲百丈臨齋淪齧齧

嘍咋生趣備丹青漫漶神明存品題云是塞翁

筆江東詩法傳清門我疑或是易元吉景靈畫

壁昔所尊余鏗韓性競短詠天姥五字雙眉掀

元人余韓二詩皆工釋句云愁雲夢天姥

吟詩翫畫輒移晷坐屏寒具忘朝

歿忽憶元和柳司馬投荒始解憎王孫

立秋日雨中用樂天韻

夢驚清商至蕭晨攬衣起寒雨何處來蕭蕭竹
窓裏庭樹綠未零砌萼紅將委四序若魚鱗誰
能究終始

贈許生

精篆
籀

我來太學已八月長日坐卧石鼓旁松風灑然
送蟬語一庭碧草生新涼嗟哉趨趨不可辨如
箝在口誰能詳安得邀君坐東序共窮史籀虞
宣王

白鷗追和歐陽八公錦雞十四韻

閩州梓潼縣人多射白鷗以食予昔入蜀梓潼
令王君爲言如此予感焉適讀居士集有錦雞
詩一篇遂和作云

梓潼界巴閩山谷多竒怪密箐上參天珍禽此
都會中有白鷗鳥閑靜復耿介皓麗欺玉雪纖
皙宛圖繪棲止篁竹陰沐浴清冷瀨逍遙謝尉
羅自謂脫天械弋者彼誰子矰繳忍狼狽苦無
斷尾智竟供几肉快南越昔入貢品共鮫魚最
奈何此邦人狼籍充一喙鄠杜多名園池館互
鈎帶購爾幾餅金愛惜勝珠貝貴賤復何常物

理固茫昧偶續錦雞篇追述發深慨

送孫樹百給事使福建

君家有吳兒白晳顏如玉絕勝薛陽陶能鼓韶
文曲三歲過君家頗諳絃指熟恍忽降湘靈嬋
媛倚秋竹今君九曲遊棹歌慢亭麓定過桐君
山夜向嚴陵宿寫作山水音峰青水增綠并寄
滄浪吟洗腸當干斛

送孫樹百對巖簡討使江西

西風秋水疊魚鱗獵獵紅旗曉望新湓口九江
初異派船頭五老已迎人荆襄往日參軍事章

貢年來息戰塵楚尾重過應一笑管絃今滿後

堂賓秦昔從軍湖北

送湯荆峴侍講于赤山禮部使浙江

我愛西子湖風昔夢見之湖光與山綠樂事輸
吳兒譬客談江瑤未免思朶頤聞君往東南起
舞掀兩眉綠蒲十幅帆西風美滿吹初下南徐
州三山已麗崎行行過震澤萬頃青玻璃夜航
到臨安高枕殊未知新筍晚花過橘綠橙黃時
湖水雄鴨頭綠淨相差差掩映湖上山影娥照
清池錢唐八月潮詭異天下奇疾雷震百里蛟

龍競躩踞潮頭坐靈胥重水汨後隨三千穀強
弩射潮勝雄師至今擊西陵鐵幢高以危醜酒
臨樟亭江海為東馳壯觀今古無寄之於聲詩
歌送潞河船郵籤催畫旗

送施愚山侍講使河南

暫輟蘭臺筆飛旌入大梁鄴中秋草綠淇上槐
花黃授簡多枚叔流風感孝王題名嵩少在蒼

翠正相望

先生辛亥秋
曾遊嵩山

七月二十一日瀛臺

賜宴恭紀六首

朝來

勅賜宴淋池桂棹蘭舟待水嬉渡盡雲

沙迴首望綠楊風外颭黃旗

越羅吳錦尚方來黃紙書名繡作堆次第鷓行

齊拜賜涼蟬聲裏謝恩迴

御舟往往艤沙汀瓊島中流日幾經不是華林

樂魚鳥慈顏近在五龍亭

中旨頻傳內大臣龍眠學士命重申捧觴跪

起華裯上蘋末風來散酒鱗

唐詩玉船風
動酒鱗紅

崇蘭風汎共徘徊九畹揚揚取次開鄭重天香

攜滿袖移從弘德殿中來

太液池中百子蓮花開十丈藕如船酒闌
賜歸鞍重錯認滄洲太乙仙

吳江顧樵水寫予平山舊詩摘星樓閣

浮雲裏一傍危欄望楚江之句為圖

相寄雨中偶成一詩奉荅兼寄茂倫

定九

哦詩三十年往往在人口旗亭與樂府流傳亦

時有江淮好事多圖畫煩好手詎敢擬右丞

家風映先後桑牙楚執畫子濛濛夕照川棠邑葉葉風帆下建康

魚之句作廿載走京塵頗已忘敝帚君復為此圖故云云

乃太駢拇平山高轟轟楚江清渺渺

橋鵝黃水楊柳風景故依然問是淮南否

慨今昔少壯成皓首他時鱸鄉亭相過索盃酒

息壤猶在彼寄語雪灘叟

送元式歸崑山

巖城吹感築天地動高秋京國暄涼異妻孥去

任愁相憐千里別相送百端憂心逐東江水蒼

茫到海流

送毛斧季歸常熟

昆湖有真隱金粟緬高風桑海道民老襄陽耆

舊空人言虞仲里又得小毛公廿載淮南別吳
江幾落楓

懷浙東故人

葉下錢唐水懷君千里流深山孔郎廟積雪剡
溪舟東覽何時遂天台定獨遊薊門暮風雨又
作一年秋

雨中懷兄子側往津門

昨日單車發西風青綺門連宵孤燭冷寒雨白
沙村遠道添衣褐天涯戀弟昆一聞鴻鴈響忽
憶鶴鶴原

中秋後得富順范生嘉州詩生書如美

陷賊不辱偽命遂有是作

幾載豺狼橫

去

巴蜀今朝書尺慰相思天彭井

絡欣無恙伏劍佯狂更不疑會見費貽徵合浦

何妨甄濟動京師汝曹識字知忠孝一笑南樓

倒接羅

送李生茂斯重赴宣鎮幕

亡姪浣亡兒渾昔皆教經於生

淒涼十年事送汝淚滂沱古塞逢人少空山聽
鴈多居庸雲外度土木雪中過峴首羊公石千

秋定不磨

生涓先太師祠堂碑見貽乃有末句

蘇羅國王墓

在德州王以明永樂十五年來朝賜印誥歸次德州卒葬以王禮謚恭定

當年重譯入長安屬國威儀盡漢官
萬里滄波歸路遠九河春雨墓門寒
空聞螭首生金粟無復魚膏照玉棺
欲薦溪毛重迴首亂鴉殘日夕漫漫

寄李鄴園尚書二首

閩天烽火達錢唐太乙靈旗指越疆
文武共推周吉甫勲名誰並郭汾陽
椎牛五夜千夫膳射虎三秋百戰場
今日羅平妖鳥盡早聞憂國鬢如霜

爛柯山上陣雲低太末城頭月暈齊
飛檄直臨彭島外纖塵不動浙江西
戰袍血濺盤鷓鴣雄劍霜寒淬鷓鴣
半壁東南功不細天書頻下武都泥

送伊允陟令望江

君去行春日先過麴令祠人傳白公詠
何似峴山碑十里見江水五洲多桂枝
因登大雷岸星飯寄相思

答吳虞外

新詩一卷寄雲巖欲往從君擬掛帆
不爲鱸魚

動秋興也因苦笋脫春衫

聞我建自武林歸皖却寄

錢唐東望海門開強弩臨江水倒迴至竟雄風
翰武帝舳艫千里射蛟來

寄題東蒙友人別業

愛爾東蒙王雲林結搆牢幾家散花竹三徑掩
蓬蒿近水通沂泗名山得具教他時詠招隱杖
策不知勞

寄江辰六益陽

送君南浦別愁新幾載巴丘息戰塵青草湖頭

閑倚棹黃陵亭下曉班春也知江水連湘水昔
道湘人少故人篋裏尚留三賦在蓬萊清淺是

迷津

唐詩湘人
非故人

題友人樵唱軒

昔賢傳好句樵唱入南軒盡日聞天籟何人共
寤言林風吹斷續溪水應潺湲向夕懷涓子攜
琴恰到門

寄盤山拙菴道人

聞師敷坐處地近古中盤煨芋爐灰冷懸燈雪
屋寒六塵浮幻盡五字苦吟安榔櫂橫肩去空

山問懶殘

寄李映碧先生

野史亭何在昭陽有敝廬
九重思故老三館
待藏書蜀洛清流盡宗雷
白社餘松風連句曲
他日訪樓居

寄宣城梅叟木山三首

愚山瞿山兩詩伯風流姓字滿人間
那知白首藏名客又向雙羊得木山

帶索行歌八十年故人袞袞盡朝天
桃花村塢叢祠下笑看鄰翁掠社錢

詩句曾傳五字工酒懷猶遣百分空
過江名士今餘幾合著襄陽耆舊中

送西岷遊粵西三首

此去巴陵成蒼茫戰後雲試將破陣樂一酌洞

庭君

康熙十九年水師破賊遣官祭洞庭之神

朔山皆好峰峰似畫圖青天開萬笏奇絕越
無

白鶴峰頭月聞歌子夜斜臨安陌上曲不似朝
陵花

哭兄東亭先生四首

節序重陽近倉皇老淚流弟兄九原別鴻鴈一
聲秋骨肉多黃土艱虞早白頭寒燈孤館夕零
落即山丘

忽忽死生異茫茫幽憤盈頻年罷重九何處作
清明荆樹花皆悴池塘草不生可憐今夜雨猶

是對牀聲

亡室張宜人以丙辰九月歿子有詩云三載西風鴈影
分登高淚盡隴頭雲而今腸斷重陽節又採寒花酌細

君時方哀西
樵先生也

早入金閨籍依然石戶棲苑枯天莫問貧病理
能齊孺仲寧慙子黔婁詎有妻唯餘小兒女慘

絕萬行啼

先嫂張孺
人前歿

在原十載痛兩度死相捐白髮誰能待立文世
未傳孝章空有恨希逸竟無年淚盡馮橋路新

墳望舊阡

先考功兄葬馮橋
兄擬卜兆相近

初冬過黑龍潭感懷龔端毅公

同游荔裳
顧菴伯紫

先兄西
樵皆逝

黃壚十載過一半舊遊空寂寂古潭水蕭蕭落
葉風河山今日異文酒昔時同不見洛生詠依
依思謝公

慟哭

十月二十日送子
側觀車南歸作

慟哭青門外天寒急雪霏豈知成訣絕猶似送

將歸慘澹雲皆駐蒼茫鳥不飛故園何日到徒
御亦沾衣

鄧尉聖恩寺咸道人自吳中過訪

二十年中事逢師一刹那花開袁墓雪春遠太
湖波忽忽前塵去茫茫小劫過詎知人海裏猶
識病維摩

遂安毛貞女詩

同年祥符令
會俠之女

新安水清泚水清石見底黃河水瀾瀾一石五
斗泥水清復水濁女心空自知三日爲君婦未
識君容儀一月侍君疾不聞君履綦秋風響庭

樹夜夜哀羈雌高樓切浮雲直下忽若遺昭昭
白日光奄與黃泉期手斲女貞木絃以寡女絲
彈作處女吟千載有餘悲

十一月十八日紀事

招搖方指子七日後長至五星如連珠貞符協
天瑞誅蕩天門開日射觚稜次公卿儼行列百
寮咸備位雲中露布下琅琅動天地十月日在
未二十軍府秉諮議雷動傳滇城十萬連步騎貝
子坐武帳諸道師總萃將軍拜祓社偏裨怒裂
背搜穴翦狐鼠然犀照魑魅天上舞鈎梯地中

鳴鼓吹不遑濡馬褐況敢執象燧膽落鐘誼聞
約長髮競繫半年築長圍屏息門晝閉樵採路
久絕啖食到殘甑鼯技悔已窮蟻援復何冀孺
子一七殊賊首吳世璠自剄死偽相五刑備偽官方某等刑於軍前自然天
助順豈曰吾得歲昆明水清冷金馬山巖巖妖
氛一朝洗磨崖勒文字釐主命召虎乘軒寵邴
意六詔歌且舞給復置官吏皇哉 聖人德涵
育及動植手提三尺劍削平諸僭偽何以矧曰
仁何以淬曰義所以八年中次第芟醜類師行
不驛騷民居不憔悴自茲萬斯年橐弓兵不試

敢告載筆臣著之大事記

和徐健菴官贊喜吳漢槎入關之作

丁零絕塞鬚毛斑雪窖招魂再入關萬古窮荒
生馬角幾人樂府唱刀鐮天邊魑魅愁遷客江
上尊鱸話故山太息梅村今宿草不留老眼待

君還

吳梅村先生昔有送漢槎出塞長句見集中

臘月六日雪即事

薄霧曉霏霏春城雪乍飛九旂清道入千騎上
陵歸玉馬徵何早金雞望不違彩雲天萬里
幾日罷重圍

大雪過牧仲郎中

至後第三雪依然六出斜度窓明曙色穿樹競
春華清唳鶴將子暗香梅著花素心零落盡動
即到君家

雪中牧仲置酒邀食熊白

故人寒置酒熊白亦初膈已下何公箸寧思漢
殿時蟄藏元自密攻穴苦相危當食勞三歎風
花滿意吹

吳孟舉寄宋槧徂徠先生集羅小華墨
白藤落落徂徠字玄璧庚庚古栢香小啜龍團

聞香滴半窓殘日亂松篁

贈朱叟品方

向曲山中採藥遊白雲嶺上復何求飛丹鍊就
如霜雪不著人間金絡頭

漁洋山人詩集卷十四

漁洋山人詩集卷十五

續集

新城王士禛貽上

壬戌稿

送葉井叔歸楚

落燈風急寒吹衣
寒谿先生昨憶歸
青門祖帳太蕭瑟
白社故人今是非
漢上題襟情不極
郢中懷古和真稀
碧雲無際楚天濶
目送瀟湘春

鴈飛

井叔近示郢中懷古詩二十首甚工

送汪舟次太史林石來舍人奉使琉球

六首

屬國滄波外微茫萬里流雙持龍虎節遙拂鳳
麟洲守禮諳殊俗乘槎愜壯遊使星霄漢上先
入大琉球

掛席指歸墟通言隸象胥避風占海鳥跋浪舞
神魚卉服看天使金函護 璽書雄才能作賦
休讓木玄虛

積氣浩茫茫乘流出大荒嘯歌聞海若擊汰薄
扶桑日月相吞吐蛟龍或遯藏始知九州大騶
衍未荒唐

太史承明彥名高著作庭石渠窮部錄山海問

圖經筆掣鯨魚動文驅蝸象靈夜闌看止

已到南溟

舍人木蘭秀五字逼風騷奏對明光殿承恩白
澤袍文章傳海外笳吹動江臯上壽慈顏喜奏
風擁節旄

見說彭湖嶼元戎佇捷勳習流多戰士橫海弄
將軍出險雲濤壯飛書露布聞早成風土記
報 聖明君

上陵歌五首

兩京相望海雲開馳道如弦候騎催金馬碧

新奏捷太平 天子上陵來

今支迴合萬重山 閃日旌旗虎豹閑 東望風雲

過沛上西來車騎出蕭關

遼水東迴北鎮斜 龍盤虎踞帝王家 依依最是

關門柳十千前拂翠華 辛亥 大駕謁陵於盛京今十二年矣

縮酒包茅貢不遲 耐金應制上陵儀 聖朝大

禮垂千祀不比汾陰太乙祠

艱難王業本岐豐 扶杖來觀父老同 詔賜大

酺還給復一時歌舞徧遼東

峴山石幢

我昔遊成都 劫後得一竒 城南丞相祠 尚有裴

柳碑 裴度撰柳公綽書 浮江陟峴首 再拜羊侯祠 祠中古

招閣銳上如卓錫 題名多宋賢 文采令人思 高

唱始原叔 直龍圖閣知襄州王洙重建羊侯祠詩 吳 育 范 仲 劉 敞 繼之週 遭

妙刻畫趙 德麟 李 薦 名亦垂慶曆 洎元符 國是如齊

棋風景尚依然 陵谷凡幾移 名字照漢江 萬古

清連漪 緬懷鄒湛 語言詠生遙 悲

錢宮聲編脩示司馬相如小玉印

西京留妙製 刻玉作文章 尚憶文園令 遭逢漢

武皇何人知 慕蘭應識倦 遊梁好伴凌雲賦 休

同典鷓鴣

虞伯生題衛青玉印詩云將軍騎從公主時豈意刺玉為文章

送陳興公歸武康

清絕茗南路歸帆望已遐
寒林孟郊井古屋沈
戎家天目羣峰合前溪
一水斜煙霞成獨往不
羨曲江花

贈蔣京少

靈潭名玉女窈窕富仙蹤
蔣子讀書處雲嵐深
幾重曾過洞庭野長嘯
祝融峰他日期相訪潭
煙吟夜龍

張祐玉女潭詩何當煙月下一聽夜龍吟

鍾山司業日北過述房山幽居之適尋以

山僧所送芍藥分餉賦謝一首

禪樓愛說房山好院院開門面翠微
風起梵音時過澗天晴雲氣自沾衣
殿春紅藥戎戎發遶檻黃蜂細細飛
百里遠將清興極幽岩晨露未全晞

荅沈客子示洞庭新詩

吳越具區藪中浮兩洞庭逸情逐花水
長嘯獨揚舲靈笈傳神禹丹砂訪蔡經
抽帆吾計得同看莫釐青

戴氏鼎

為楓仲作同山長教授愚山侍讀

昔在京師賦方鼎年少筆力回千鈞焦山鼎圖
歲在己江海起立魚龍奔邇來哀謝二十載雖
有意氣無由振戴氏此鼎何處得勢如怪獸
以蹲平頭負戴到蓬戶四座動色誰敢捫雲雷
盤旋間饗饗斑斑古色疑周秦凹中尾鬣狀天
馬緣尻鼯鼠拱且馴或云子午紀年月或如癸
甲兼庚申或云乾上艮在下天山為遯理則均
著馬履鼠古所訓義云陰屈而陽伸制器尚象
有深戒寡聞尠見徒紛紜大巧坐今僂齒若流
俗豈辨飼與饋丹楓閣中盡竒古此鼎屹立何

雄尊市丘鼎齟任嘲笑烹雞何似羞明神不煩

更問柳下季歷千萬世存吾真

順治己亥在京師為少傅劉公賦方鼎康熙乙

已與西樵先生在焦山賦古鼎程邃穆倩為圖

多父敦

亦戴氏物

昨日賦罷天馬鼎今日復示古敦

音對

牟山川連

日發光怪黃白下覆雲油油此敦形製竒且古

兩耳三足窮雕鏤上作饗饗下蚩尤細辨非簋

非彛舟古人一物殫工巧用盛黍稷神所羞珠

槃玉敦載盟府云以歆血親諸侯流傳千載歷

塵劫却伴高士山之幽昭餘自昔稱晉藪侯甲

水作青瑤流丹楓孤閣踞其上朝霞暮靄臨窓
浮先生靜坐觀衆妙圖書萬卷皆親讐此鼎此
敦置左右蒼然古色來商周庭列九賓發緹幕
今我一見生歎喏長安市兒寶康瓠金敦玉敦
知何求什襲歸去閉高閣會有光氣騰龍蚪

為幼華題五子論文圖

馳情渭北樹注目江東雲不是顏光祿誰當詠
五君

湖山佳境亭 濟南 追錄順治甲午年作

結繡倚清濤空亭古木林蟬鳴風柳外花滿石

梁陰支榻侵荷葉開窓蒹葭水禽青點三十餘
曲助高吟

錦秋湖二絕句 追錄順治戊子年十五歲作

鵝鴨城邊水映空漁舟來往暮煙中唱歌未斷
神鴉起荇葉菱花四面風

會城隱約接青丘沙鳥浮沉水急流一望寒蘆
秋色裏諸侯曾此會平州

荅牧仲香山來青軒懷愚山阮亭之作

昂湖春水滿遠近桃花林浦淑花間濶雲峰水
外深羨君攜斗酒獨往彈鳴琴幾夜山中月相

思勞永吟

雨後至天寧寺

凌晨出西郭招提過新雨日出不逢人滿院風
鈴語

幼華給事招同愚山健菴大可舟次季

角集祝氏別墅

黃門休沐暇池館愜招尋人語碧苔徑鶴鳴脩
竹林微風交落絮流水澹春陰坐愛鯀魚樂悠
然濠上心

題高澹人侍講扈從東巡日記

粵華聞喜出蕭關扈蹕名高法從班萬騎羽林
暨豹尾何人玉斧侍 龍顏風雲自護長陵邑
王氣遙連木葉山共道干城賜牛酒羨君載筆
屬車還

雨中較涅榛遺集簡梁藥亭

藥亭將遊吳郡

風雨晝蕭蕭清吟伴寂寥已成湘水別何日楚
詞招愁聽鄰人笛虛聞引葵簫那堪五噫客又
去伯通橋

六月二十一日始聞蟬聲

平生愛清嘯幽憂聊自宣或如高柳蟬或如古

不爲所居不數弓森木羅前軒常年五六月綠
陰幽且繁涼風灑然至流音交樹間楚竹若霜
雪斷續娛高眠今年太寂寂應節時已愆詎學
仲長瘖髣髴磨堦捷朝來一雨過衆綠紛綿芊
忽如逢佳人令德唱高言語默諒有以學易當
窮年

題徐立齋都憲寫真二首

齋閣攤書晝漏遲蕭然海鶴見風姿尋常茗椀
爐香裏也似雙藤倚戶時

十載蓬山聽索鈴正堂深鎖第三廳如今封事

無多暇猶自巾箱較五經

吾州

休夏吾州好明湖爽客襟亭橫帝子渚

北渚亭

溪繞

使君林酒愛碧筩飲詩成白苧吟凭欄指千里
雲外數峰深

題曹賓及舍人松石卷

曾看雲海盪心曾萬樹龍吟下碧空勘破趙州
消息在却來五月賣松風

送徐電發簡討假歸吳江兼寄長孺茂

倫三首

婉孌南州彦三年直玉堂西風吹片席忽到鱸
魚鄉水竹居無恙漁樵興甚長相逢朱與顧隨
意泛滄浪

妙得磬頭法華原是汝師淵明琴外意摩詰畫

中詩丘壑自堪憶丹青能爾為羅浮觀海日應

與葛仙期

將遊
粵東

昔誦黃花句風流映粉闈新傳春雪詠蠻徼繡

弓衣江水楓初落漁竿鯁正肥應知憐二陸入

洛竟忘歸

有傳電發菊莊詞至朝鮮者其
會寧記官仇元吉題絕句云云

錢選折枝牡丹二首

三尺霜縑寫鼠姑檀心倒暈貌來殊如今疑夢

還非夢曾向南泉見一株

卷中多
衲子詩

驛騎筠籠進折枝洛陽金粉入宮時永嘉水際

知多少謝客曾無五字詩

戲示老圃

語君種松柏君嫌少顏色莫種薔薇花歲寒足

荆棘

摩厓碑

有客新自湘江歸登堂示我浯溪碑芒寒色正
三百字忠義之氣何淋漓白日行天破幽曠走

選周兩潛神夔憶昔天寶初喪亂漁陽突騎如
騷馳二十四郡少義士平原太守獨誓師平生
不識顏真卿乃能一木支傾危清河年少氣慷
慨十歲作質平盧兒中興大業起靈武功成不
死神扶持道州刺史昔漫叟振筆大放瓊琚詞
請公磨崖書絕壁鐫鑱千仞青雲梯蠻煙瘴雨
不利蝕萬古照曜天南陲昨者劇賊亂滇海盜
據衡永爲根基太平祭告徧羣望山川一洗無
磷緇宜有雄詞繼前代磨崖重刻浯溪湄

送孝齋知師宗州二首

結舊益
如即今

萬里之官去盤江水不波過家仙掌峻到郡彩
雲多百滌風煙潤諸蠻瘴癘和至今齊父老猶
憶舊絃歌
詔擅銅鹽利謀希白首成鳧毛應早識螭腦故
相驚沅水逢歸馬昆池偃鬪鯨南征知有述誰
似郭緣生

滇南凱旋歌六首

鈞天樂動五城樓玉輅前行十二旂親見萬方

頰送喜

翠華三度幸盧溝

湖南福建雲南大軍振
旅皆駐蹕盧溝郊勞

將軍收取舊山河飲馬蘭滄萬里波珍味天廚

人不識禁中特遣一封駝

升中大禮視園丘黃幄天清宿霧收朝罷將軍

先受賞尚方催進紫貂裘

都人夾道看旌旄萬里歸來血洗刀韞上奇鷹

皆帶角仗前天馬盡拳毛

原廟衣冠二十春太平今見上陵辰象犀璫瑁

新供祭巧使安南備九賓

上將謁 孝陵適安 南國請封表至京

清時王會徧諸方絕調昇平嗣栢梁從此漢家

新樂府白狼添詠又三章

今年上元賜朝臣宴於 乾清 宮效栢梁體賦昇平嘉宴詩

御書 頒賜

秋日幼華季舟再招同說巖翰長健菴

宮贊集祝園懷舟次奉使琉球

重過碧溪上秋色尚粼粼釣石思何楷林池想

庾詵霜清聞唳鶴水落減遊鱗忽憶滄溟客乘

槎獨問津

送相國馮公致政歸益都二首

兩朝開濟倚元臣四海昇平始乞身共識王商

真漢相誰知潞國本天人承恩西苑流觴數

特賜遊瀛臺浮觴 曲水見公自記

供張

竹亮 反東門

御墨新

御賜五言 詩一篇

一曲

台湖天付與鴨頭無恙碧粼粼

都人歎息袞衣歸鶴骨渾忘玉帶圍曉日池頭
雙鳳去寶坻杜公同時致政清秋渚畔幾鴻飛杜房相業行
堪並為仰宗風見亦稀公精禪理唯有深恩酬未得夢
魂長繞舊黃扉

定武蘭亭跋尾二首

繭紙風流世不傳昭陵玉匣死難捐乞兒一物
雖癡絕猶勝分香望墓田
片玉明駝出禁門人聞蟬翼重瓊璫一般雲散
宣和劫不及陳倉十鼓存

送沈鳳于歸吳興

昔別驚三歲重來售一經歸人指黃浦山色繞
烏亭誰讀郊居賦家餘太祝廳沈相國之裔被園偕隱
地羨煞白蘋汀

題善果寺竹示智道人

昨夜風雨過借問西軒竹一莖兩莖斜三莖四
莖曲

秋夕同張晴峰工部顏脩來吏部宋牧

仲謝方山二刑部幼華給諫集孫樹

百給諫齋聽脩來彈琴作

愛君碧玲瓏盧霍如相接纖竹盡嫵娟小松具

麟鬣上客朱絲絃曲終正三疊餘習未能忘聞
音舞迦葉

寄梁曰緝侍御

與君契濶十載餘聞君却掃身巖居中年頗學
慈氏法邇來兼讀長桑書梅開臘月一盃酒

鄆陵

蠟梅冠
天下

冰泮黃河雙鯉魚擬向老禪分講席狸奴

白牯意何如

憶公弼吏部

公弼未歿前一日與其友蘇銘茂苻在
鳳陽龍興寺禪喜竟日歸旅舍遂怛化

是夕見夢於蘇吟詩云六十年來一夢醒飄然四
大御風輕與君昨日龍興寺猶是拖泥帶水行

弱草棲塵漫自驚知君解脫萬緣輕分明一笑

凌雲去撒手靈芝殿上行

朱浙清明上河圖二首

萬伯脩司
馬家物

金明池上柳吹綿仕女紅粧照水鮮學取鵝黃
宮樣窄一雙新畫孟家蟬

夢華髣髴舊東京瞥見丹青眼暫明忽忽停盃
綠底事西風殘照近青城

送人

君家兩洞庭七十二峰青試吏繁臺下金門識
歲星兔園凝暮靄鳥渚散秋螢悵別登高會西
風酒易醒

感懷西樵東亭兩兄寄禮吉仲兄

行年將五十少壯彈指過秋眉失新綠白髮俄
已多朝來朔風涼林葉辭故柯感此一悽愴東
流無迴波故山有石田胡不歸巖阿兄弟半下
泉得歸亦蹉跎沉憂結中腸即事成悲歌

秋杪獨遊善果寺智上人房懷亡友葉

文敏公

秋懷愴無豫古寺聊經行喬木何蒼然歸鳥時
一鳴雨久林葉積人稀秋草生帛公吾夙好敷
坐依南榮壁閒龍鸞書歲久猶崢嶸

壁上有世祖
皇帝御書唐詩

洞房昨夜春風起一
首自署臆菴道人

昔遊偕故人共對寒泉清俛仰遂
成昔存沒倏自驚西景薄悲谷素魄無常盈世
界真一漚何物爲冠纓徘徊日云夕駕言返東城
聞陳子文轉餉入蜀

鐵馬蠶崖路屯兵又十秋戰場山鬼嘯故國杜
鵲愁江抱青羊觀天橫白菟樓亂餘多感激高
唱滿西州

送虞虞山通參予告歸雲南

時年八十有五特
賜馳驛蓋異數云

兩朝黃髮承恩久萬里青蛉擁傳歸驛路近南
梅信早家山向日鷓鴣飛劫灰歷後昆明在華

表來時故舊非檢點賜衣重灑淚 孝陵松柏已成圍

得董玉虬侍御書

離別是何日蒼茫十五年形容非少壯喪亂各
風煙諫草今誰識遺經好獨傳君註三禮故交零落盡
有夢太湖邊

元祐黨籍碑

天津橋上啼杜鵑耕父已見清泠淵宮中堯舜
不可作厚陵社飯悲年年二博二蔡秉國軸同
文館獄紛鈎連衣冠相望走嶺表一網盡矣嗟

羣賢司空手籍元祐黨

京自署司空尚書右
僕射兼門下侍郎

大書深刻

相磨鐫彗星下掃文德殿毀碑夜半何喧闐攸
攸狒狒一兒戲可惜宋社成南遷潭州死骨尚
有臭黨人名字光中天西南荒徼八桂郡此碑
千載人爭傳上云垂戒萬萬世其詞何異誅共
驩從來青蠅亂白黑三代遺直今如弦小人勿
用易所戒崇寧僨轍無忘旃

輓陳其年簡討

晚躡鳳凰池霜華已上髭不堪嫁阿鶩差喜得
龜兒其年歿後
立姪為嗣阜茨村南社青溪水畔祠至今傳

樂部多是兩人詩

白鷹

白鷹生塞北秋向代川飛氣飽風霜勁眼空狐
兔稀商飈動原野朔雪亂毛衣耻較韓盧疾雲
霄萬里歸

牛孝標寫柴門深竹圖見贈

晨興掃落葉雙帚不能給高堂張畫圖忽覺秋
光入遠山紛合沓空翠嵐煙濕下有幽人居把
茅誰所葺繞舍萬玉林排空各離立雨餘飛瀑
下日暮清川急繫艇楓樹邊楓葉紅一色先生

隱市今懸壺少人識詞客復畫師勿乃譏結習
何日刺扁舟和歌戴青笠

題徐騎省集後二首

江左黃星事又新蕭蕭白髮入咸秦茂陵玉斝
通天表未信初明是恨人

寂寥小雪閑中過斑駁新霜鬢上加徐擁鼻微
吟一惆悵殘年風景又天涯

蠟梅

林下風姿世外粧烏丸雞距寫宮黃華清不按
霓裳舞輸與張裴小擅場

鄆陵蠟梅以裴氏張氏爲冠每歲輦致京師有一株至白金一錢者

冬夜詠說巖翰長貽詩感舊賦懷兼呈

容齋侍郎

效白體

凍雲釀雪故低垂
手藝松明漏箭遲
半世心期三歲字
殘年風景六篇詩
草橋南畔看花處
浴殿西頭下直時
暗數同遊幾人在
吟成催白數莖絲

喬子靜編脩見示使粵集既為序之復

得一絕句書於卷尾

澧蘭湘芷供章句
海雨江風生齒牙
却笑陸郎無此筆
歸裝空載日南花

贈趙大理聲伯

聞君肥遯日耕釣
富春山偶逐白雲
出心將秋水閑高
名滿人耳封事動
天顏 主聖容臣
直何妨老抱關

題程青溪江山卧遊卷贈牧仲

平生楚尾與吳頭
二十年中汗漫遊
攬取江山歸尺幅
寒宵翦燭說黃州

題張杞園浮家泛宅卷三首

君家好在春岑閣
正直琅邪海上山
一唱桃花流水引
斜風細雨竟忘還

當年滄海橫流日祇羨王尼卧露車今日江湖
波浪穩不妨泊宅更浮家

方勺慕張志和為人於浮家泛宅之所買田築室自稱泊宅翁

著泊宅編十卷

小勇山下穀紋層一艇延緣學取能茗水清清

雲水白水精宮闕近吳興

小勇山沈亞之故居杜牧之詩一夜小勇山下夢水如環珮月如襟

王魯珍畫安邑舜陵古松題之

鳴條岡下舜陵旁寫得虬姿百尺長惆悵九疑

秋色遠萬竿斑竹淚瀟湘

和陳子文入蜀詩二首

鳳州三絕無纖手又少旗亭酒共傾唯有金絲

幾株柳臨江映驛拂人行

古稱鳳州三絕手柳酒

右鳳縣金絲柳

乍食西川諸葛蓴重誇楊樸紫芽辛柳家新樣

君從擅多少薑芽斂手人

子文最工書法故云

右蜀薑

跋子文入蜀詩卷

萬里有行役三巴誰賞音經過下簾客風調倚

樓吟羯鼓高臨水蟬花秀出林舊遊離亂後張

觸十年心

題韓醉白上巳圖

清湍脩竹一塵無不羨珊瑚十萬株誰把蘭亭
擬金谷錯教逸少比齊奴

漁洋山人詩集卷十五

漁洋山人詩集卷十六

續集

新城王士禛貽上

癸亥稿

送孫子立編脩周星公禮部奉使安南

二十四韻

憶昔高平役於今歲屢遷遂休轡觸鬪共識漢
唐年文筭來何數包茅貢亦虔越裳馴白雉征
戍罷朱鳶响町軍鋒擾西南殺氣纏妖氛橫象
郡間道絕龍編正朔依然奉訛言幾處傳乾坤
重盪滌遐邇盡陶甄使者南關入長安北斗邊

漁洋續集卷十六
職方陳貢贊鞞屨列宮懸忠孝聞 天語奎章
照海堧飾終王禮備繼世 主恩偏胙土諸侯
貴行人二妙賢 璽書頒冊府英蕩破蠻煙衡
嶽開雲霧相流任沂公麾前驅瘴癘規外指星
躔銅柱懷新息丹砂訪稗川採香三丈木繅繭
八蠶綿飛鼠紅蕉裏羚羊碧樹巔檳榔供釀酒
蚺子上盤筵風土由來異聲靈此日宣望塵紛
絡繹騎象競駢闐 國體千秋重輶車萬里旋
交州新有記真見雜名田

玉泉

御宿川南似漢陂碧琉璃滑淨無泥穠桃弱柳
垂垂發沙燕鷓鴣故故低銀漢紅牆九天上流
雲紫閣數峰西太平暇日稀遊豫碧草春深輦
路齊

戲寄牧仲僉憲

憶上盤山正暮春山中吟望幾逡巡而今持節
京東路恰與盤山作主人

鄆人王明府十洲酒間述漢陂高冠潭

石淙之勝因賦二絕句

百里皆脩竹陰森入漢陂朝朝看紫閣倒影散

鳧鷖

我愛高冠潭君家古潭上秦嶺微雨來瀑流懸
百丈

銅鼓詩為孫樹百給事賦

征蠻壁壘沒寒煙誰遣罇于異代傳丞相天威
播南詔中原王業起西川洛陽金馬題門日渭
水銅人別漢年回首興亡已陳迹岑牟一笑晚
風偏

得葉井叔書却寄

苦憶南陽子仍為汗漫游江湖得聲由又館閣失

名流瓜步天連水燕城鴈報秋遙知歸興好春
浪散花洲

將發如臯留別辟疆于皇其年諸子

追錄

乙巳
年作

靡靡涼風發稍稍春雨繁落花夾城闔垂楊拂
行軒日歸忽不懌念我心所敦當歌喚奈何誰
能不銷魂江山正遼落契濶異涼温回首上巳
日潞水開名園臨泛沂洲島賦詩映潺湲片月
巖際出流照蒼筤根晨鼓已復鳴流連別山樊
為樂能幾時信宿還西轅况乃杜陵叟昨日來

東屯陳生復南渡黃歇波濤喧賓從半吳楚別
思同相沅逝矣光景適懷哉洲渚言風歌烏帽
側雨連極浦昏倚帆陳此詞思與晨風翻

送富磐伯禮侍子假歸閩

上卿休沐賦閑居廿載承明許遂初徃日東甌
多壁壘於今南海盡車書綠榕紅荔逢鄉樹碧
水丹山指故廬兩度君恩真不淺觚稜迢遞

夢何如

丁巳歲閩初平
宗伯奉使歸里

頃和陳子文蜀薑詩殊非本意再成一

首為寄

蜀味初嘗萬里餘子薑作鱠憶鮒魚相思若遇
東吳使為報張温欲附書

送紀仲霽徵君赴鞏昌視弟子湘太守

并呈今兄孟起給事

憶弟看雲久河梁此戒塗褰衣渡龍首登隴望
鷓鴣羌笛梅初落春塘草正敷定知青瑣暇西
笑詠同株

古詩三荆
歡同株

懷東癡之德安

垂老匡廬去初看九疊屏江湖春浩浩雲霧晝
冥冥名續高賢傳人占處士星

伍喬事

相思問鴻鴈

幾日泊宮亭

為高澹人侍讀題匡堰草堂圖

老屋丹楓裏清谿亂竹間偶然通路約隨意送
潺湲飲酒復垂釣讀書仍閉關隔江青未了知
是沃洲山

興州

聞說興州地炎天米雪遲行宮餘故礎野蔓覆
殘碑虎旅迴遼海鸞旗拂具茨名王今款塞干
帳荷恩私

古蹟三首為岳給事賦

同年岳鎮九給事初知封丘縣頗以古循吏之
治治其民以唐高常侍嘗為縣尉祀典闕焉乃
剏為專祠又春秋黃池戰國青陵臺在縣境皆
碑其處數百年廢墜之典釐然脩舉予嘉其事
因為賦之

忠公拓落人好談王霸略一辭孟諸野微官此
樓託把臂李杜遊慷慨吹臺作懷古薦溪毛風
期緬猶昨

右高常侍祠

餘皇既已徙姑蘇亦已焚黃池尚爭長茶火矜

三軍肥胡名不可見四野空寒雲大河隔濤江
至今悲伍員

右黃池

東郭一曠望尚見青陵臺臺前兩梓樹古冢何
崔巍下有鴛鴦宿上有烏鵲哀遐哉一女子大
義終不虧

右青陵臺

施愚山先生哀詩

耆舊凋零甚斯人尚典型詎知悲夜壑無復望
晨星丹旆辭燕市青山返敬亭平生牙曠意絃

絕若為聽

趙玉峰通政招同沈繹堂宮詹張箸漢
太僕郭快菴侍讀信初太常集金碧

園玉峰滇人園名
蓋寓故鄉之思

雨歇涼生煙景昏高臺留客共開樽誰將漢苑
丹青樹種向幽人金碧園六詔祇今無斤垝五
陵隨地足丘樊素心晨夕經過數便擬柴桑處
士村

嚴人弘寫碧山吟社圖題詩留別用韻

送之

碧山吟社好幾日返雲林晏起翠微曉開門黃
葉深君歸自丘壑予興在登臨賴畫滄洲趣朝
朝慰陸沉

懷山長赴澄海令

萬里炎方去孤城海氣寒土風問瀧吏南食閱
珠官垂老功名薄投荒瘴癘寬酒壚空在眼耆

舊已凋殘

時愚山
初歿

樹百軒前小山成

曲棧遊秦路清流入剡山豈知千里興宛在一
庭間水竹自幽映輕條時往還晚涼明月好吟

坐石苔斑

題高侍讀賜榴圖二首

紅纈晶丸破晝陰賜來和露一
主恩深烏婢綠
柰黃銀樹不羨虞淵記上林

憶曾緜几侍揮毫晝漏遲遲禁籞高聽徹宮鶯
春雨細金盤簾下賜櫻桃

九日慈仁寺閣同舍人姪贈張子石宗

岩堯踏飛閣明迥愛秋空暫藉能仁力來乘禦
寇風寧臺聞自昔碣石眺從東張翰黃花句深
知五字工

九日慈仁寺送陳子之安平今

將較刊令兄其
年太史遺集

偶來慈氏閣表裏望神州才子穀丘長告予將
遠遊佳名重九日古邑鄂千秋

鄂千秋封
安平侯

珍重文

園草應勞漢主求

東汪季

愛君別館種梧桐下直清樽酒不空出水芙蓉
三百字承恩新上御屏風

送黃自先之官平遠

水西何處是險絕播州東四郡千山外諸夷
線通聞猿思故國騎象識蠻風荒服皆王土無

勞歎轉蓬

送黃方叔之官山海

翩翩黃叔度揖我向榆關半刺今為政長城無
限山扶餘潮信外孤竹夕陽間重鎮當年地茫
茫古戍閑

送吳及良之官襄陽

班馬意徘徊垂楊拂酒盃襄陽耆舊地別駕士
元才鄉味槎頭近江流峴首來定尋皮與孟公
月鹿門迴

過宣城館有感

愚山
故居

暮天黃葉落一過西州門無復高人跡空聞宿
鳥喧新阡思掛劍愚山屬予序其文集尚未脫稿舊館憶開樽南望
澄江水誰招屈宋魂

汪鈍菴六十

少壯一彈指君今六十強相逢顏色改別後鬢
毛蒼名在儒林傳經傳弟子行河汾姚與薛幾
輩許升堂

劉甥畫馬

年少挽螯弧能騎生馬駒明窓寫神駿匹練出
余吾滅沒爭飛鳥風塵見過都他年問孤竹猶

可識長途

讀宋胡忠簡公經筵問荅題後二絕句

玉荷盃內酌流霞宮漏無聲江月斜親聽君王
歌一曲南屏鍾動柳啼鴉

御香都染侍臣衣回首神霄是禁闈却憶宣和
當日事玉真軒裏見安妃

賦得滄浪亭送尤悔菴檢討

平生愛蘇子高唱滄浪吟蘇子去已久滄浪清

至今戲魚明鏡濶

見子美集滄浪觀魚詩

喬木古亭深

見歐公滄浪亭詩

送爾濯纓曲知予濠濮心

牧仲寄示秋日巡海雜詩

不見宋生久詩來海上峰振衣臨渤碣長嘯動
魚龍孤竹瞻高節烏丸指舊封聽潮相憶處吟
斷角山鍾

顧茂倫吳漢槎撰絕句詩 國朝止三

家乃以拙作參牧翁鈍菴之間因戲
寄二首并示鈍老

少日詞場偶噉名重教刺畫太癡生他年傳唱
蠻中去幾許弓衣織得成

老去心情百不宜楞伽堆案已嫌遲誰能更與

堯峰叟賭取黃河遠上詞

許山道中

追錄順治壬辰
年十九歲作

斷靄望沉沉關河歲暮心蒼山連凍浦雪屋入
寒林鳧鴈荒陂晚雞豚古社深墨王亭畔路載
酒憶登臨

聞濟寧災

流孛驚傳犯鳥帑任城萬戶委寒蕪空聞梓慎
登臺望曾見爨巴喫酒無慘澹鄭人三日哭倉
皇亳社幾朝呼雖然天道渾茫昧實恐蒼生喘
未蘇

題王勤中松菊圖

三徑荒蕪憶故林何來松菊草堂陰憑將笠澤
高人筆寫出柴桑處士心

淮上寄汪茗文金陵

追錄庚戌年作

黃河水凌高十丈雪花如笠朔風吹憶君官閣

同文李坐對鍾山拄笏時

謂李武曾文與也

與趙秋水話申臯盟遺事感賦

溢水去涓涓東流繞墓田忽驚辰巳夢重憶甲

申年

謂臯盟尊人節愍公甲申殉節

夜雨啼山鬼青春叫杜鵑平生

趙元叔白首話燈前

戲書屏風絕句

孫劉縱遣不三公一笑樽前百態空寄語吾家
光祿道那能屈曲作屏風

得吳天章長沙消息

吳郎愛棲遁家在玉溪頭

即李義山故居

路入玉官谷泉

通底柱流江山賈誼宅風雨洞庭舟莫作瀟湘

客瀟湘水易愁

輓孫子立編脩因懷愚山侍讀

昔送君行社燕過承恩雙闕動驪歌今聞君逝

寒梅發望遠三湘弔汨羅

歿於全州

白馬流蘇西粵返

啼鳥玉筋北堂多風流一代俱黃土萬古澄江水自波

送成仲謙參議再赴武昌

分憲武漢黃三郡

千騎擁輕裘英風壓上流鳴笳漢陽樹吹笛武昌樓名士周公瑾重來郭細侯雪堂還載酒明月滿黃州

雪中靈轡道人同揚水心見過

道人謝氏

謝公居剡後禪藻在諸孫何意杼山老雪中來叩門行忘石頭滑坐愛地爐温況是逢桑苧清詩與共論

幼華升六過子書舟同舍人姪菊下小飲獵圍行炙錦腰衰樺燭傳觴金橐馳何似茅齋風雪夜一盃殘菊影婆娑

荅牧仲送梁苑木瓜因懷愚山

珍比沙棠定不如路亭尺素到雙魚梁園未入鄒枚賦禹貢宜先橘柚書古禮誰能廢苞苴風人終擬報瓊琚舊遊契濶兼生死况復流光逼

歲除

昔與愚山水脩耦長諸公偕和木瓜詩今已四載愚山歿且久矣

題趙伸符編脩寫真

松花謾謾吹玉缸揮毫三峽流春江未論文雅

世無葦風貌阮何誰一雙

雪中語費葛陂

五出縈空密復斜勞君相置碧溪涯林塘雪後
無人跡開徧黃梅千樹花

輓應嗣寅徵士

聞道錢江上星文隕少微庭空白楊樹壁冷芟
荷衣小草生無愧柴桑志不違九原林處士山
水共清暉

聞鍾

祇林夜半聞霜鍾萬籟俱寂唯虛空我聞忽與

百丈同一喝三日猶耳聾

筵上贈周即墨岷公

剡谿多名山君家窮剡源雪竇峰曉秀鮎亭潮
夜喧昔君結茅處蘿月聞清猿少年偶試吏鍛
羽防飛翻山頭望廷尉牘背騰謗言蕭灑解黃
綬寄跡空山村崑崙富靈境二勞當縣門爲欲
東浮海且聞西入關北風吹歲暮雪霰淒以寒
肝膽醉後吐意氣猶騰騫陋巷車馬絕纖月升
前軒抱被肯留宿地爐松火温

與尹瀾柱鄭山公諸同年登九蓮閣

憑欄試騁望遠近一寒林不見西山色蒼茫雲外深

答朱竹垞檢討

有序

竹垞題畫贈予詩云澣山灤口水模糊穉柳天桃何處無他日雪堂留客徑不難疏鑿擬西湖因荅一絕句

澣山灤水如玦環東接魯陂煙霧間看畫吟詩起鄉思墨王亭上好雲山

雪中聞東癡先生歿於德安二首

垂老依人惜解攜招魂不返大江西他年籠樹

逢寒食應有子規來上啼

年年共賦梁園雪此事回頭三十年今日雪中

君不見兩行清淚草堂前

往歲里居每雪後與先生必有倡和之作至數十首

憶山居示兒子

堂靜看歸燕村深報午雞松花開細雨筍竹迸春泥澗道水兼石山田高復低休慙令狐子罷勉把鋤犁

戲寄子重吏部使蜀

西川行色去悠悠濯錦江空不耐秋只有兩般堪乞得羅江犬子石泉猴

題樊圻畫為紀給事

春衣夜宿長干寺蠟屐晨登木末亭忽見畫圖
如夢裏遠山未了六朝青

寄靈巒

看山復臨水蕭灑坐禪身我愧龐居士師如竺
道人打包殘雪映歸寺藥苗春石盪新流滿相
期淨六塵

漁洋山人詩集卷十六

題後

予欲序阮亭先生詩一月而不成同學皆竊笑
之予曰豈唯是乎予昔登泰山至日觀峰窮極
巔頂攬七十二君封禪碑碣及山川雲氣愴怳
浩邈之狀歷歷心目歸至逆旅欲作登泰岱詩
一年而不成乃歎曰昔陶元亮日在廬山不作
詠廬山詩太白蜀人不作峨嵋山詩僅絕句一
首亦橫見側出之而已子美作望嶽詩不過四
十字畏難避實所謂慘澹經營也今人才不逮
三君遠甚顧喋喋不休何為者也予再遊闕里

觀孔子廟堂陵寢松柏禮樂器其心志聳惕竊見牆壁間多今人詩有長律至百韻者無一驚人語予笑謂同遊者曰如此詩不作可也及歸至滄上欲作一詩亦一年而不成雖深自愧然自知力弱不足以舉其意寧隱忍而不爲予蓋有待云爾今予驟欲序阮亭先生之詩與此二者何以異先生之詩殆如元微之所云盡得古人之體勢而兼昔人之所專能所不能無可無不可詩人以來未有如子美者也謂予能序之乎諸公且視予讀書十年之後縱筆爲先生序

自不同今日也吳江計東跋

此故友計甫草康熙戊申歲題予前集後者前集刻於己酉偶軼此篇適讀甫里文集見之因附錄續集卷末以誌良友鄭重之意不勝泣然王士禛記

魏玄然王士齊

之因州檢錄其卷末以蘇氏大腹重之意
前其陳公之西歸其故國蘇氏里文集
此妙文信由草東漢文由蘇氏于前集
自不同今日也吳氏信東列

